



Bosna i Hercegovina  
Federacija Bosne i Hercegovine  
Tuzlanski kanton  
**OPĆINA GRADAČAC**

H.K. Gradašćevića 54, 76 250 Gradačac, telefon 035-369-760, fax. 035-369-761, e.mail: [opc.grad@bih.net.ba](mailto:opc.grad@bih.net.ba), [www.gradacac.ba](http://www.gradacac.ba)

Na osnovu člana 13 Zakona o principima lokalne samouprave u Federaciji Bosne i Hercegovine («Službene novine FBiH» broj: 49/06 i 51/09) i člana 60 i 62 Zakona o platama i naknadama u organima vlasti Federacije Bosne i Hercegovine (Službene novine FBiH» broj 45/10; 111/12 i 20/17) i člana 24 Statuta Općine Gradačac („Službeni glasnik Općine Gradačac“ broj 4/08, 5//12 i 1/17), Općinsko vijeće Općine Gradačac, na sjednici od -----.2018.g., d o n o s i

**ODLUKU**  
**o izmjenama i dopunama Odluke o plaćama**  
**i naknadama uposlenika i izabраних dužnosnika**  
**u organima Općine Gradačac**

**Član 1**

U članu 3 Odluke o plaćama i naknadama uposlenika i izabраних dužnosnika u organima Općine Gradačac („Službeni glasnik Općine Gradačac“ broj 10/13), dodaje se stav 2 koji glasi:  
„Visina sredstava za plate i naknade regulisane ovom Odlukom može se vršiti samo do visine planiranih sredstava u budžetu za ove namjene (fiskalna odgovornost).“

**Član 2**

U članu 4 mijenja stav 1,2 i 3 mijenja se i glase:  
„Osnovica za obračun plaće utvrđuje se Odlukom o izvršenju budžeta Općine Gradačac, i primjenjuje se za tu fiskalnu godinu.“  
Pored osnovice za obračun plaća koristit će se i bod za obračun plaće, koji se utvrđuje odlukom iz prethodnog stava.  
Utvrđivanje osnovice i boda vrši se u pregovorima sa sindikatom, a prije usvajanja budžeta. Ukoliko se ne postigne dogovor Općinsko vijeće će utvrditi osnovicu i bod, pri čemu osnovica ne može biti niža od prethodno dogovorene, odnosno važeće. Prilikom utvrđivanja osnovice i boda za obračun plaće uzet će se u obzir projekcije budžeta za narednu godinu, kao i kretanja GDP i indeksa potrošačkih cijena, a prema podacima Federalnog zavoda za statistiku.  
Iza stava 7 dodaje se stav 8 i glasi:  
„Isplate mjesečnih novčanih primanja izvršene u skladu sa odredbama ove odluke su definitivne i konačne“.

**Član 3**

U članu 6 Odluke, u platnom razredu II Općinski pravobranilac broj „7“ mijenja se brojem „7,6“ , a u platnom razredu III zamjenik Općinskog pravobranioca broj „6,5“ brojem „7.“

**Član 4**

U članu 16, u platnom razredu III iza teksta „Šef službe civilne zaštite“ dodaje se tekst „glavni Interni revizor“, a u platnom razredu VI „stručni savjetnik“ dodaje se tekst „Interni revizor“

## Član 5

U članu 28 u stavu 1 riječi „četiri“ zamjenjuju se riječima „tri“.

## Član 6

Općinski načelnik će uskladiti Pravilnik o plaćama i naknadama, u skladu sa ovom Odlukom i Kolektivnim ugovorom za državne službenike i namještenike u organima uprave i sudske vlasti u Tuzlanskom kantonu, u roku od 30 dana, od dana stupanja na snagu ove Odluke.

## Član 7

Ova Odluka stupa na snagu osmog dana od dana objavljivanja u „Službenom glasniku Općine Gradačac.“

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA GRADAČAC  
- Općinsko vijeće-**

Broj: 01- 05- 18  
Datum: aprila 2018. godine

Gradačac

**Predsjedavajući  
Općinskog vijeća**

Enir Šakić, prof,s.r.

## O b r a z l o ž e n j e

Sistem plata i naknada u organima vlasti FBiH regulisan je Zakonom o plaćama i naknadama u organima vlasti FBiH („Službene novine FBiH“ broj 45/10; 11/12 i 20/17).

Ovim Zakonom pored ostalog utvrđeni su platni razredi i koeficijenti za obračun za organe na nivou Federacije BiH.

Članom 60 ovog Zakona propisano je, da se u kantonima i općinama koeficijenti utvrđuju Zakonom kantona, odnosno Odlukom Općinskog vijeća za zaposlene u tim organima. Istim članom propisano je da će kantoni, gradovi i općine propisati iste koeficijente za isto radno mjesto u okviru istih platnih razreda, kao i u ovom Zakonu.

Pored toga izmjenama ovog Zakona iz 2017.godine („Službene novine FBiH“ broj 20/17) istim se uvodi fiskalna odgovornost, da se sredstva za ove namjene mogu isplatiti samo do visine planiranih sredstava u budžetu.

Takođe, u skladu sa jačanjem fiskalne odgovornosti, propisano je, da se osnovica za obračun plaće utvrđuje Zakonom o izvršenju budžeta, odnosno Odlukom Općinskog vijeća o izvršenju budžeta za svaku budžetsku godinu, i uvodi se obračunski bod. Takođe, je propisano da su na ovakav način isplate konačne, obzirom da se u ranijem periodu pojavljivao veliki broj tužbi uposlenika po raznim osnovama što je opterećavalo budžete.

U 2017.godini donesen je i novi Zakon o državnoj službi u Tuzlanskom kantonu, i potpisan je kolektivni ugovor, te je odredbe o plaćama i naknadama trebalo usaglasiti i sa ovim propisima.

Radi usaglašavanja i poštivanja odredbi Zakona, da se platni razredi i koeficijenti za iste poslove na nivou svih institucija u FBiH, kantonima, gradovima i općinama propisuju u istim iznosima usaglašava se i član 6 ove odluke, gdje su ranije propisani koeficijenti u manjem iznosu. U cilju usaglašavanja sa kolektivnim ugovorom u realnostima, ovom Odlukom vrši se izmjena i određenih naknada koje nemaju karakter plaće.

U skladu sa ovim izmjenama i odredbom kolektivnog ugovora, Općinski načelnik će izvršiti izmjene Pravilnika o plaćama i naknadama državnih službenika i namještenika u organima Općine Gradačac, radi usklađivanja istog.

Iz naprijed navedenog predlaže se donošenje ove Odluke kao u Prijedlogu.

**PREDLAGAČ:**  
**Općinski načelnik**  
**Općine Gradačac**

